

A Feira de Amandi “acrecenta a xusta fama da que gozan os nosos viños alén das nosas fronteiras”

Roberto Varela destacou a Festa de Interese Turístico como mostra da nosa “fermosa e secular liturxia relacionada co consumo e degustación do viño”.

O Conselleiro de Cultura e Turismo, Roberto Varela, deu lectura ao pregón na trixésima edición da Feira do Viño de Amandi en Sober. O pregoeiro gabou esta festa declarada de Interese Turístico que “acrecenta a xusta fama da que gozan os nosos caldos alén das nosas fronteiras” nunha rexión como a Ribeira Sacra onde “paisaxe e cultura, natureza e home, conviven con fascinante e sabia harmonía”.



O conselleiro de Cultura coa delegada da Xunta, o alcalde de Sober e rexidores doutros concellos da Ribeira Sacra.

Acerca da tradición enogastronómica que caracteriza á comunidade galega, o conselleiro de Cultura e Turismo describiuna como “unha fermosa e secular liturxia relacionada co consumo e degustación do viño”. Asemade Roberto Varela destacou Galicia como “unha terra rica en festexos gastronómicos de toda índole” na que “se algún alimento xustifica unha celebración colectiva é sen dúbida o viño”. O con-

selleiro valorou o esforzo dos viticultores e cidadáns de Sober no mantemento dunha Feira que atrae “aos amantes do viño quen, chegados de todo o mundo, peregrinan de adegas en adegas, recomfortando o corpo e mente cuns caldos únicos”. Deste xeito, os caldos galegos “que algo tiveron que ver na formación do noso carácter como pobo” convértese nun “óptimo embaixador das bondades de

Galicia”, engadiu Roberto Varela. Ademais do conselleiro de Cultura, asistiu a delegada territorial da Xunta en Lugo, Raquel Arias, e o responsable autonómico de Educación, Jesús Vázquez, e alcaldes da Ribeira Sacra. O alcalde de Sober, Jesús Gómez, lembrou os primeiros anos da feira e destacou a súa consolidación co paso do tempo. Tras o pregón chegou o humor do dúo humorístico formado por Isi e



A veterana festa congregou, un ano máis, a numeroso público e aos medios de comunicación de Galicia.



Acudiron á feira 25 adegas de Amandi, entre elas Don Bernardino, de Santa Cruz de Brosmos e Algueira, de Doade.

Patricia Vázquez. Os rapaces gañadores do concurso literario convocado con motivo da feira recibiron os seus premios de mans dos conselleiros e da delegada territorial. O primeiro foi para Lucas Alba pola obra Pepe Outeiro, o segundo acadouno Paula Rodríguez por As Uvas Máxicas e o terceiro foi para Gale Lombardía por Marevento. O presentador do programa Larpeiros da CRTVG, Benigno Campos,

inaugurou a XXX edición o sábado 27 de marzo cun breve discurso no que ensalzou a excelente calidade dos caldos desta zona. O cociñeiro lembrou cando él mesmo viña buscar o viño de Amandi dende Ourense "xogándose a vida pola estrada a altura dos Peares" e destacou o prestixio dos caldos galardoados por expertos internacionais. O acto oficial da apertura da feira contou asemesmo coa presenza da

delegada territorial da Xunta, Raquel Arias, e da xerente da Fundación de Artesanía e Deseño de Galicia, Elena Fabeiro, quen amosou o seu apoio a adegueiros e artesáns. Pola súa parte, o alcalde de Sober, José Gómez, acompañado de tódolos concelleiros e varios alcaldes da comarca invitou a todos a disfrutar da festa. Exerceu de mestre de ceremonias o xornalista da Radio Galega, Luis Rial.